

廣德州志卷二十一

田賦志 蠲卹

蠲卹

散利薄征周政首列賜租除稅漢史頻書所謂自上  
下下其道大光者我也

國家深仁厚澤

聖天子念切民依遇有水旱立予賑貸乃至大有之年休  
養隆備而免租庸蠲逋負動以億萬計鞠謀至意實  
古今所未有楊李諸志均未之及洵為闕典茲謹遵

廣德州志

卷二十一

蠲卹

一

通志編載前代間亦有之并為採錄其但稱江東江  
南南畿而不鑿指郡境者則槩從略焉

宋孝宗乾道六年甯國府廣德軍太平温湖秀池徽和州  
皆饑令漕江西廣東粟以賑 文獻通考

九年江東之太平廣德淮西之無為和州民多艱食並  
行停征賑卹 續文獻通考

淳熙二年鎮江甯國府常州廣德軍艱食皆賑之粟

七年廣德軍大饑令出常平米賑之至於越歲之春弛

兩歲帛賦

文獻通考

八年行都甯國建康府嚴婺太平州廣德軍饑徽饒大饑流淮郡者萬餘人遣使分行賑贍安集之行勸分賞格十一月己亥浙東常平使者朱熹進對論荒政請蠲田賦身丁錢詔江浙淮湖北三十八郡並免之

甯宗嘉定八年八月二十九日江東轉運使真德秀奏建

康甯國太平徽池南康廣德七郡旱蝗乞將嘉定七年

第四第五等人戶見欠苗米權與倚閣奉旨依

真西山文集

理宗開慶元年二月己丑詔蠲建康太平甯國池州廣德

等沙田租

宋史本紀下同

廣德州志

卷二十一

蠲郵

二

恭宗德祐元年六月己酉免廣德軍今年田租

元世祖至元二十八年三月杭州平江等五路饑發粟賑

之仍弛湖泊蒲魚之禁溧陽太平徽州廣德鎮江五路

亦饑賑之如杭州凡州郡田嘗被災者悉免其租不被

災者免十之五

元史本紀下同

成宗大德二年正月己酉建康龍興臨江甯國太平廣德

饒池等處水發臨江路糧三萬石以賑仍弛澤梁之禁

聽民漁採

六年六月湖州嘉興杭州廣德饒州太平婺州慶元紹

興甯國等路饑賑糧二十五萬一千餘石

武宗至大元年春正月己巳紹興台州慶元廣德建康鎮江六路饑死者甚眾饑戶四十六萬有奇戶月給米六斗以沒入朱清張瑄物貨隸徽政院者鬻鈔三十萬錠賑之十一月詔免紹興慶元台州建康廣德田租

英宗至治元年夏四月丁巳廣德路旱發米九千石減直賑糶

泰定帝泰定元年正月廣德信州岳州惠州南恩州民饑發粟賑之

廣德州志

卷二十一

蠲卹

三

文宗天曆二年賑池州廣德甯國太平建康鎮江常州湖州慶元諸路及江陰州饑民六十餘萬戶當賑糧十四萬三千餘石

文宗至順元年二月帖麥赤驛戶及建康廣德鎮江諸路饑賑糧一月

順帝至正十二年十二月辛亥以杭常湖信廣德諸路皆克復詔蠲夏稅秋糧命有司撫恤其民

明太祖元年即元至正十七年春正月戊戌賜應天鎮江甯國廣

德田租各一年明史本紀至正二十七年正月諭中書省曰東南久罹兵革民生凋敝吾甚憫

之且太平應天諸郡吾渡江開創地供億煩勞久矣今  
比戶空虛有司急催科重困吾民將何以堪其賜太平  
田租二年應天鎮江宣城廣德各  
一年 案是年太祖稱吳元年

洪武元年閏七月免吳江廣德太平甯國滁和被災田租

明史本紀下同

二年詔免應天太平鎮江宣城廣德今年田租 詔曰應天太平

鎮江宣城廣德供億浩穰去歲蠲租遇旱惠不及下其  
再免諸郡及無為州今年田租 南畿志載詔曰朕本

布衣率眾渡江首定太平次居建業肇興丕基其鎮江  
太平宣城廣德為京師之翼郡至如興師旅定羣雄六

合一家軍需錢糧供億浩繁止此數郡以足我用子孫  
百世何忍忘江左之民朕心拳拳舊歲曾免稅糧忽遇

天旱免無可收縱使不免亦無可徵雖惠不及於心有  
慊其洪武二年夏秋二稅宣州已行詔免應天太平鎮

廣德州志

卷二十一

蠲郵

四

江再免一年及廣德滁和無為今歲稅糧亦與  
蠲免以甦吾民稱朕意焉故茲昭示想宜悉知

三年三月詔免山東河南北平三省及應天太平鎮江

甯國廣德滁和等郡今年秋糧 明通紀

四年詔免應天太平鎮江宣州廣德滁和七處今年夏

稅 萬曆志載詔曰朕聞自古帝王必資民力以助成武

民同樂於天地間即位以來於今三年各處郡邑雖嘗  
免其稅糧尚慮凋敝之餘未能蘇息其應天太平鎮江

宣州廣德滁州和州當創業之初錢糧供億實為浩繁  
賴此數郡以足國用遂致平定四方念其勤苦無時忘

之深宜優恤應天太平已免其稅糧二年鎮江宣州廣  
德滁和已免二年此七處今年夏稅再行蠲免朕以布

衣起事民間艱苦無不周知今所優免姑以凋敝之處  
為先所在有司其尚謹於奉承以體恤民之意 案此

錄 詔節

五年十月免應天太平鎮江甯國廣德田租

明史本紀下同南

畿志載詔曰朕乘羣雄鼎沸之時率眾渡江兵屯建業十有八年其間高城壘深濠塹軍需造作凡百供給皆爾近京五府之民率先効力濟我時艱民力繁甚朕心不忘天下一統今五年矣雖嘗蠲免四歲稅糧然猶未足以服前勞用是申勅有司其應天太平鎮江甯國廣德五府洪武五年合納秋糧除頑慢刁狡不行蓋倉完備及多科害民糧長本戶秋糧不免外其所管人民秋糧盡行蠲免

十一年八月免應天太平鎮江甯國廣德諸府州秋糧

南畿志載詔曰賞功罰罪在昔帝王必斯二事之先曩因率兵東渡江來姑就金陵京口宣城廣德徽州長興安吉宜興江陰相次不逾三年盡入版圖當時天下英傑互相雄長殊聲異教若欲平之非甲伏之饒供給之

廣德州志

卷二十一

蠲郵

五

盛豈能平禍亂一寰區而為人主者耶今禍亂已平朕居大位十有一年嘗思六州四縣之民久勞於前雖我子孫累世不忘特以今年秋糧盡行蠲免於戲興王定亂肇福天下惟思民之勞先故茲詔諭想宜知悉

十四年十月甲寅免應天太平廣德鎮江甯國田租

國朝

順治二年江南初定奉

旨蠲免本年稅糧十分之七兵餉十分之四其明末無藝

之征盡永除之

通志

案此後三年八九十等江南俱有蠲免詳見會典通

志茲不具列十二年以後倣此

三年覆準江南疊罹寇患漕米折價於

恩詔外再免三分之一

會典 見甯國府志 下同

八年早改折秋糧三分之一

通志

九年蠲免正賦改折漕糧並除耗米

安省操撫李日芄請於鄰省市米平

糶每石減價之半

通志

十年覆準江南浙江各屬旱災八九十分者免十之三

五六七分者免十之二四分者免十之一有漕糧州縣

衛所準令改折

會典

十二年廣德等處旱災免錢糧十分之一

通志 下同

廣德州志

卷二十一

蠲卹

六

十三年奉

詔蠲地畝人丁本折錢糧拖欠在民者

通志

十六年江南大水奉

旨蠲免十五年以前未完錢糧

通志

康熙四年奉

恩赦直隸各省順治十六七八年舊欠錢糧著照蠲免十

五年以前一體除免

通志

八年奉

恩詔康熙元年二年三年丁地正項錢糧實係拖欠在民

不能完納者該督撫奏請蠲免

通志

十年江南大旱蠲被災田地起運十分之一二三不等  
漕糧改折外耗贈米俱奉蠲免又奉

恩詔內開康熙四五年各省丁地正項錢糧實係拖欠  
在民不能完納者該督撫奏請蠲免

十一年欽奉

恩旨念江南水旱頻仍停徵九年分攤米折銀並停徵九  
年以前未完錢糧安徽各屬發粟按籍分賑

十七年蠲停地丁漕項銀兩有差

廣德州志

卷二十一

蠲卹

七

十八年三月至八月不雨奉

旨自十一年起至十二年止舊欠錢糧俱着蠲免其十三  
十四十五十六年錢糧俱自十九年起分年帶徵又奉  
旨九分十分荒者免本年稅糧十分之四七八分荒者免  
十分之三五六分荒者免十分之二

二十年十二月奉

恩詔兵革寢息人民乂安免康熙十三四五六七年地丁  
民欠錢糧

二十三年九月奉

恩詔江南浙江江西湖廣省分自用兵以來供億繁苦宜  
加恩恤康熙二十四年所運漕糧着免三分之一又自  
康熙十三年起至二十二年止拖欠漕項錢糧着自二  
十三年起每年帶徵一年以免小民一時並徵之累  
二十七年奉

旨將十七年以前未完糧項銀米麥俱着蠲免十月又奉  
恩旨安徽所屬各郡縣二十八年應徵地丁各項錢糧俱  
着蠲免

二十八年正月奉

廣德州志

卷二十一

蠲卹

八

旨江南除正項錢糧節次蠲免外再將積年民欠一應地  
丁錢糧屯糧蘆課米麥豆雜稅槩與豁免

**案**安屬正項錢糧通免廣德州縣在其中矣後倣此  
三十年十二月奉

旨湖廣江西浙江江蘇安徽山東應輸漕米着自康熙三  
十一年始以次各蠲免一年漕糧安徽所屬應於三十  
五年蠲免

三十二年九月十六日奉

恩旨江蘇安徽等處夏旱免本年漕糧三分之一俟至應



蠲年分補還

三十五年奉

恩詔內開江南等省康熙三十三年以前歷年積欠及帶徵未完銀米俱着豁免又漕項歷年積欠及帶徵未完銀米亦着豁免

三十八年三月十三日奉

恩旨安徽所屬舊欠帶徵錢糧除三十三年已經赦免外其三十四三十五三十六等年一應地丁米豆麥雜稅俱着蠲免

廣德州志

卷二十一

蠲卹

九

四十一年奉

旨安徽所屬府州縣衛等處康熙四十二年分地丁錢糧除漕項外通行蠲免

四十三年四月蠲免江安二屬黃快缺丁銀六千四百四十餘兩

四十五年十月二十五日奉

上諭內開安徽自康熙四十三年以前未完地丁銀米着按數盡行蠲免其舊欠已完在官而現年錢糧未充足者亦準抵扣

四十六年十一月奉

旨康熙四十七年江南通省人丁額徵銀兩悉行蠲免其  
本年被災應徵地畝銀一槩免徵所有舊欠帶徵銀米  
並暫停追取又分截本年漕米散賑

四十七年十月奉

恩旨康熙四十八年除漕項外江南通省地丁銀四百七  
十五萬四百兩有奇槩行蠲免所有舊欠銀米暫停追  
取

案建平縣志載是年欽奉

廣德州志

卷二十一

蠲卹

十

特恩除漕項米豆外其應徵丁地錢糧槩行蠲免又載是  
年秋被水災復免田畝銀二千一百八十五兩有奇  
仍賚賑四月蓋一據奉

詔之年一據被蠲之年

五十一年十月奉

旨三十年至四十三年未完地丁等銀免徵十月奉  
旨除漕項外五十二年應徵地畝人丁銀俱着察明全免  
其歷年舊欠亦併免徵又

恩詔內開將各省應徵房地租稅銀兩着察明額數於康

熙五十三年豁免一年其历年逋欠一并察明免其追補

案建平縣志載五十二年欽奉

特恩除漕項米豆外其應徵丁地錢糧槩行蠲免又免康

熙四十九年民欠丁地并損腳共銀二千三百五十

兩四錢有奇此卽上年十一月事也

五十三年秋被旱災蠲免建平田畝銀四千五百三十

兩九錢有奇仍賚賑三月

縣志

案是年甯國府志亦載秋旱免災田稅糧發倉穀賑

廣德州志

卷二十一

蠲卹

十一

饑仍截漕備賑竊意廣德地居高燥尤不耐旱當必被蠲卹惜前志不及年遠無考此後凡縣有而州無者俱載通志於前以補之通志無則仍闕

五十五年十一月以安屬旱災蠲免地丁銀米豆其災

黎照例動支常平倉糧散賑仍將安慶府存剩漕糧并

省倉見在捐還漕米湊賑

通志

建平蠲免田畝銀四千

五百二十兩有奇仍賚賑三月

縣志

五十六年十一月奉

旨豁免安徽江蘇等處帶徵地丁屯衛銀兩其帶徵漕項

銀米麥豆免徵各半通志是年建平蠲免四十六四十七

五十五十一五十三五十四共六年未完民欠丁地損

腳等銀共一萬八千七百四兩八錢有奇槩行蠲免縣志

雍正四年建平秋被水災蠲免田畝銀一千五百二十兩

二錢有奇仍賚賑五月縣志

五年秋建平被水災蠲免田畝銀六百五十七兩一錢

有奇仍賚賑三月縣志

七年八月奉

旨安徽等屬着免雍正八年地丁銀四十萬兩通志八年

廣德州志

卷二十一

蠲卹

十二

建平縣奉

特恩蠲免丁地銀六千一百九十兩九錢有奇又夏被水

災復免田畝銀六百一十二兩四錢有奇其南米豆石

仍照例核蠲外又免例不蠲免漕米一百九十二石三

斗三升零又發帑銀五百九十兩八錢零賑恤災民仍

賚賑三月縣志

九年三月以建平縣上年被災蠲免地丁銀六百一十

二兩四錢有奇米豆三十六石九斗有奇通志

乾隆十年欽奉

恩詔將各省額徵正賦通行蠲免照康熙五十一年之例

分三年以次蠲免安省輪於十二年蠲免甯國府志

十五年奉

上諭朕巡幸所至地方應酌量加恩着將安省未完耗羨

蠲免十分之六南巡盛典

十六年奉

上諭朕巡幸所至特沛恩膏將安省自乾隆元年起至十

三年止積欠地丁銀三十萬五千餘兩盡行蠲免南盛

典是秋被旱奉

廣德州志

卷二十一

蠲卹

十三

旨將應徵丁地折色米豆按照災田分數蠲免其極次饑

民廣德州屬共用銀七萬五千六百餘兩賑之是秋以下見本

州文卷時進士濮陽樓等為呈懇代申謝恩表中有云特允大臣之請發九府之朱提俾遣協理之員拯一方

之赤子猶念民之待澤雖曰有涯而上之施仁無甯過厚增一分則受一分之惠況加每月之三分多一口則

畀一口之金用恤無年之萬口此誠格外之曠典允為不世之隆恩

二十一年蠲免被災田畝銀兩見州民戶私札

二十七年

恩旨普免各省漕糧照康熙三十年之例安省輪於三十

五年蠲免臚黃

四十年州縣被旱奉

旨將應徵丁地折色米豆按照災田分數蠲免其極次饑

民用銀七千兩賑之

文卷

四十三年蠲免被災地畝銀兩

見州民戶私札

先是奉

旨普免各省地丁銀兩安徽省於是年輪免

五十年奉

恩旨安徽省被災較廣業經疊次加恩緩徵賞給口糧併前後截漕十五萬石以備賑恤但雨澤既稀秋收不免歉薄民食倍形拮据着照書麟所請將安徽省五十一年輪

廣德州志

卷二十一

蠲卹

十四

免漕糧準改本年蠲免州縣仍用銀二萬四千七百兩賑極次饑民又貸給種糧銀二千六百八十二兩七錢

有奇

文卷

五十五年奉

恩旨普免天下額徵正賦安徽省輪於五十七年蠲免

騰黃

以上胡志

乾隆五十七年奉

上諭安徽省未完民欠銀一萬五千餘兩著加恩全行豁

免

新通志

下同

五十九年奉

上諭所有六十年各省應徵漕糧著再加恩普免一次其應如何輪免之處仍著該部覈議具奏 部議自六十年爲始分作五年輪免

上諭安徽省各州縣衛節年民欠因災帶緩未完地丁漕項正耗並借帑等銀米麥豆俱著加恩豁免

上諭前經降旨普免天下積欠錢糧所有安徽省節年民欠著加恩寬免

上諭丙辰元旦舉行歸政典禮爲嗣皇帝登極初元著將

廣德州志

卷二十一

蠲卹

十五

嘉慶元年各直省應完地丁錢糧通行蠲免 部議照上屆普免之例統計三年一律蠲免

嘉慶四年奉

上諭乾隆六十年以前各省積欠緩徵地丁耗羨及民欠籽種口糧漕項銀兩並積欠緩徵民欠米穀草束等項在應徵者尙復不少著各省查明普行豁免

十七年奉

上諭將安徽省積欠未完銀一百三十萬一千七百九十兩零於本年秋成後分限四年完交

十九年奉

上諭安徽省本年被水被旱成災五分之望江廣德建平  
等州縣俟來春如須接濟口糧或酌借籽種再由該撫  
察看情形辦理又五分災之潛山望江東流繁昌舒城  
宿州靈璧亳州和州含山廣德建平等十二州縣應徵  
本年民衛地丁屯折蘆課等項並漕糧漕項糧米著各  
按成災分數蠲免  
二十四年奉

上諭本年朕六旬大慶普免天下積欠銀糧安徽節年民

廣德州志

卷二十一

蠲卹

十六

欠全行豁免

上諭安徽省自嘉慶元年起至二十二年止民欠熟田項  
下地丁起存驛站省衛外衛蘆課屯衛米麥豆折漕項  
學租等款因災帶緩項下地丁起存驛站省衛外衛蘆  
課屯衛米麥豆折漕項學租借領俸工驛站等款俱著  
加恩全行豁免

道光二十年十月奉

上諭安徽省懷甯桐城潛山太湖和州含山建平等州縣  
被水受旱田地應徵本年新賦均著緩至二十一年秋



後啟徵

三十年十月奉

上諭本年安徽被水所有勘不成災之建平等縣田地應徵新舊錢漕各項銀米著一律分別緩帶以紓民力

咸豐七年八月奉

上諭皖南各屬秋禾被旱被蝗被擾收成歉薄雖經勘不成災若將錢糧照常徵收民力實有未逮加恩著照所請所有咸豐六年建平縣薄收各堡內災田應徵新舊錢糧同歛縣建平二縣熟田內應完積欠並廣德州通

廣德州志

卷二十一

蠲卹

十七

境應完舊欠銀米著概行緩至次年麥熟秋後分別啟徵

上諭皖南各屬勘不成災田畝所有咸豐六年旌德縣建平縣通境災田並照單開區堡將新舊漕米一概緩徵廣德州應徵新賦漕米及節年舊欠並著遞緩

八年二月奉

上諭咸豐七年皖省各州縣被水受旱所有建平災田應徵新舊漕米均著緩徵其被災較輕及文昌等十九堡內熟田著別徵新賦所有積年舊欠仍著遞緩廣德州

著徵本年新賦其積年舊欠亦著遞緩以上漕糧均著按照單開區圖村莊分別辦理以紓民力

同治二年十月克復建平奉 督憲曾給發撫卹銀二千兩賑濟貧民三年春建平縣知縣周 覆稟將此項銀兩購買牛種分給鄉民開墾其銀照勸農局章程分還留辦地方善後之用

四年正月奉

上諭曾國藩喬松年奏查明安徽省被擾各州縣應徵錢糧雜稅懇請蠲免一摺安徽省城用兵十餘年各屬被

廣德州志

卷二十一

蠲卹

十八

害甚重現雖全境次第克復而戶口流亡田地荒蕪耕種失時若僅照克復年分豁免錢糧小民元氣未復新賦積欠均尚難於輸納加恩著照所請除咸豐九年以前安徽省民欠錢糧漕米已降旨豁免外所有廣德建平甯國三州縣自咸豐十年起至同治四年止一應民欠正雜錢糧銀米商牙魚雜各稅壓徵蘆課各項官租

著概行蠲免

以上新  
通志

是月廣德知州王希曾稟請總督曾 撥給米二百石賑州民 又由知州王稟請總督曾 給發銀三千兩

散給農民購買牛種開墾荒田秋季照章繳還建平縣  
亦奉 憲給發銀三千兩散給牛種

新纂 文卷  
附見表疏

同治五年正月由廣德州勸農局紳朱禮元稟請總督李

續發銀二千兩接濟農民購買牛種建平縣同

新纂  
詳

見表  
疏

十一年九月奉

恩詔蠲免各直省民欠錢糧

十二年十一月奉

上諭英翰奏查明各屬秋禾歉收情形請分別徵緩漕糧

廣德州志

卷二十一

蠲卹

十九

一摺安徽本年入夏以來各屬田禾被水被旱被風被  
蟲若將漕糧照常徵收民力實有未逮加恩著照所請  
所有勘不成災之定遠霍邱五河廣德等州縣歉收田  
地新舊漕糧及望江青陽建平宣城等縣歷年舊欠緩  
徵漕米均著分別緩徵以紓民力

光緒元年三月奉

上諭所有各直省民欠錢糧卽著戶部酌核奏請蠲免

十一月奉

上諭裕祿奏查明各屬秋禾歉收請分別徵緩漕糧一摺

安徽本年所有被水受旱較重之各州縣歉收田地新舊漕糧及太和建平二縣同治十三年熟田尾欠漕米同廣德州十二年災緩及歷年舊欠漕糧著分別緩徵以紓民力

以上新通志

案胡志云安屬正項錢糧通免廣德州縣在其中并為採錄今用其例謹遵新通志恭錄

恩詔

廣德州志

卷二十一

蠲卹

二十